

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

ZAKLJUČAK

po Prijavi koncentracije između privrednog subjekta Merck & Co., Inc, One Merck Drive, Whitehouse Station, New Jersey 08889-0100, SAD i Sanofi-Aventis Group, 174 Avenue de France, 75635- Paris cedex 13, Francuska

Sarajevo
Juli, 2010. godine



Broj: 01-03-26-010-8-II/10
Sarajevo, 06.07.2010. godine

Na osnovu člana 25. stav (1) tačka e), člana 42. stav (1) tačka g), a u vezi sa čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednih subjekata Merck & Co., Inc, One Merck Drive Whitehouse Station, New Jersey 08889-0100, Sjedinjene Američke Države i Sanofi-Aventis Group, 174 Avenue de France, 75635- Paris cedex 13, Francuska, koje zastupa advokat Branko Marić, Mehmeda Spahe 26, Sarajevo zaprimljenoj dana 14. aprila. 2010. godine pod brojem: 01-03-26-010-II/10, Konkurencijsko vijeće, na 108. (stoosmoj) sjednici održanoj dana 30. juna 2010. godine, je donijelo

ZAKLJUČAK

1. Odbacuje se Prijava koncentracije privrednog subjekta Merck & Co., Inc, One Merck Drive Whitehouse Station, New Jersey 08889-0100, Sjedinjene Američke Države, i privrednog subjekta Sanofi-Aventis Group, 174 Avenue de France, 75635- Paris cedex 13, Francuska, radi nepostojanja obaveze prijave, u smislu člana 14. Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 14.04.2010. godine pod brojem 01-03-26-010-II/10 Prijavu koncentracije (u daljem tekstu: Prijava) od strane privrednih subjekata Merck & Co., Inc, One Merck Drive Whitehouse Station, New Jersey 08889-0100, Sjedinjene Američke Države (u daljem tekstu: Merck ili Podnosioci prijave) i Sanofi-Aventis Group, 174 Avenue de France, 75635- Paris cedex 13, Francuska (u daljem tekstu: Sanofi ili Podnosioci prijave) koje zastupa advokat Branko Marić, Mehmeda Spahe 26, Sarajevo, kojom isti namjeravaju spojiti svoje podružnice Intervet/Shering-Plough Animal Health, Wim de Korberstrat 35, 5831 AN Boxmeer, Holandija (u daljem tekstu: Intervet S/P) i Merial Limited, 3239 Satellite Boulevard, Duluth, Georgia, Sjedinjene Američke Države, (u daljem tekstu: Merial) s ciljem osnivanja novog privrednog subjekta.

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji (Službeni glasnik BiH, br.48/05, 76/07 i 80/09) i člana 8. i 10.

Odluke o načinu podnošenja prijave i kriterijuma za ocjenu koncentracije privrednih subjekata (Službeni glasnik BiH, br.95/06) te je dana 06.05.2010. godine aktom broj 01-03-26-010-1-II/10 zatražilo dopunu iste, u skladu sa članom 31. Zakona o konkurenciji.

Podnosioci prijave su djelomično dopunili Prijavu dana 14.05.2010. godine aktom broj 01-03-26-010-2-II/10 i dana 28.05.2010. godine aktom broj 01-03-26-010-3-II/10 te zatražili produženje roka za dopunu Prijave za dodatnih 15 dana. Konkurencijsko vijeće je odobrilo dodatni rok od 15 dana aktom broj 01-03-26-010-4-II/10 dana 31.05.2010. godine, da bi Podnosioci Prijavu kompletirali dana 07.06.2010. godine aktom broj 01-03-26-010-5-II/10. Konkurencijsko vijeće je Podnosiocima izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 30.06. 2010. godine broj: 01-03-26-010-6-II/10.

Podnosioci Prijave su naveli da su podnjeli zahtjev za ocjenu koncentracije tijelima ovlaštenim za ocjenu koncentracije Brazila i Republike Hrvatske, a da će podnjeti zahtjev nadležnim tijelima: Argentine, Australije, Kanade, Kine, Kolumbije, Europske Unije (Europskoj Komisiji), Izraela, Meksika, Rusije, Srbije, Južne Afrike, Švicarske, Turske, Ukrajine i Sjedinjenih Američkih Država u smislu člana 30. stav (2) Zakona.

Konkurencijsko vijeće je iz Prijave utvrdilo sljedeće činjenice:

Prijava koncentracije je podnesena u zakonom propisanom roku, u smislu člana 16. stav (1) Zakona o konkurenciji.

1. Učesnici predmetne koncentracije

Učesnici koncentracije su privredni subjekti Merck & Co., Inc, One Merck Drive, Whitehouse Station, New Jersey 08889-0100, SAD, Sanofi-Aventis Group, 174 Avenue de France, 75635-Paris cedex 13, France, Intervet/Shering-Plough Animal Health, Wim de Korberstrat 35, 5831 AN Boxmeer, Holandija i Merial Limited, 3239 Satellite Boulevard, Duluth, Georgia, SAD.

1.1. Privredni subjekt Merck

Privredni subjekt Merck je multinacionalna farmaceutska kompanija registrovana prema pravilima pravnog sistema savezne države New Jersey u SAD, 28. jula 1970. godine sa prvobitnim nazivom Schering-Plough Corporation što se potvrđuje potvrdom broj 117165456 izdatom od Odjela za finansije New Jersey-a.

Pretežne djelatnosti privrednog subjekta Merck su vezane za zdravlje životinja, odnosno uključuju otkrivanje, razvoj, proizvodnju i prodaju veterinarskih lijekova za sve životinjske vrste.

Privredni subjekt Merck djeluje na tržištu Bosne i Hercegovine putem svoje podružnice Intervet S/P, koja predstavlja globalno istraživačko društvo osnovano 07.03.1969. godine u Wim de Korverstraat 35, 5831AN Boxmeer, Holandija.

Pretežne djelatnosti privrednog subjekta Intervet S/P odnose se na razvoj, proizvodnju i prodaju širokog asortimana medicinskih lijekova i usluga namijenjenih za životinje.

Podružnica Intervet S/P u Bosni i Hercegovini ima svoje predstavništvo, koje vrši prodaju proizvoda veterinarskim stanicama i poljoprivrednicima direktno, kao i putem veletrgovaca/distributera.

Privredni subjekt Merck kao ni njegova podružnica Intervet S/P pojedinačno ili zajedno nemaju više od 10,0% udjela u osnovnom kapitalu, odnosno 10,0% prava glasa u nekom privrednom subjektu u Bosni i Hercegovini.

1.2. Privredni subjekt Sanofi

Privredni subjekt Sanofi registrovan je kao dioničko društvo pod brojem 395030844 R.C.S PARIS pri Trgovačkom sudu u Parizu 18.05.1994. godine na adresi 174 Ave de France 75013 Paris, Francuska.

Pretežne registrovane djelatnosti privrednog subjekta Sanofi su istraživanje, razvoj, proizvodnja i marketing proizvoda zdravstvene zaštite, a naročito djeluje u oblasti zdravstva i fine hemije, ljudskih i životinjskih terapija, nutricionizma i biološke industrije.

Privredni subjekt Sanofi na tržištu Bosne i Hercegovine djeluje putem svoje podružnice Merial, koja je registrovana kao društvo sa ograničenom odgovornošću i upisana u registar privrednih društava za Englesku i Wales.

Podružnica Merial u Bosni i Hercegovini distribuira prvenstveno svoje proizvode putem distributera Arnika Veterina, čije je sjedište u Zagrebu, ali je ugovorom o distribuciji koji je zaključen sa društvom Merial, isti ovlašten da distribuira proizvode u Bosni i Hercegovini. Samo u pogledu jednog proizvoda (Euthatal) francusko supsidijarno društvo od Merial (Merial SAS) vrši direktnu prodaju u Bosni i Hercegovini, i to za 2009. godinu u iznosu od 4177,00 KM.

2. Obaveza prijave koncentracije

Obaveza prijave koncentracije postoji ukoliko su ispunjeni uslovi iz člana 14. stav 1) pod a) i b) Zakona, odnosno ako ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM, ili ako je njihovo zajedničko tržišno učešće na relevantnom tržištu veće od 40%

Ukupni ostvareni godišnji prihodi učesnika koncentracije na dan 31.12.2009. godine iznosili su:

Tabela 1.

Ukupni prihod	Merck	Intervet S/P	Sanofi	Merial
Svijet	(..)* ¹ € (..)* KM	(..)* € (..)* KM	(..)* € (..)* KM	(..)* € (..)* KM
BiH	-	(..)* € (..)*KM	(..)* € ** (..)*KM	(..)* € (..)*KM

** Uključujući promet pripisan privrednom subjektu Merial

Izvor: Podaci iz Prijave

¹(..)*Podaci predstavljaju poslovnu tajnu, u smislu člana 38. Zakona o konkurenciji

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekata.

3. Pravni okvir ocjene predmetne koncentracije

Konkurencijsko vijeće u postupku ocjene predmetne koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), te Odluke o načinu podnošenja prijave i kriteriji za ocjenu koncentracija privrednih subjekata.

4. Pravni osnov i oblik koncentracije

Pravni osnov koncentracije je Ugovor o ulaganju (sufinansiranju) zaključen dana 30.03.2010. godine između privrednih subjekata Merck, Sanofi i Merial. Naime, prema uslovima ranije potpisanog ugovora, privrednom subjektu Sanofi je omogućeno („Call option”), tj. da zahtjeva o privrednog subjekta Merck udruživanje između privrednih subjekata Intervet S/P i Merial u obliku novog zajedničkog privrednog subjekta, koje bi na taj način postalo zajedničko vlasništvo privrednih subjekata Merck i Sanofi sa 50%/50% vlasničkih udjela i koje bi poslovalo u oblasti zdravstvene zaštite životinja.

Pravni oblik koncentracije je spajanje privrednog subjekta Intervet S/P i privrednog subjekta Merial koje su podružnice privrednih subjekata Merck i Sanofi na osnovu Ugovora o ulaganju (sufinansiranju) u skladu sa članom 12. stav (1), tačka a) Zakona.

5. Ocjena predmetne koncentracije

Prema podacima iz Prijave učesnici predmetne koncentracije ne ispunjava kumulativne uslove utvrđene članom 14. stav (1) Zakona jer:

- ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi manje od 8.000.000,00 KM (Tabela 1.);
- jer zajednički tržišni udio učesnika koncentracije na relevantnom tržištu nije veći od 40%, budući da je ukupni tržišni udio učesnika koncentracije na relevantnom tržištu farmaceutskih proizvoda 12%, a na tržištu bioloških proizvoda 18%.

Slijedom navednoga Konkurencijsko vijeće je utvrdilo da predmetna Prijava ne ispunjava uslove iz člana 14. Zakona, te je odlučilo kao u dispozitivu ovoga Zaključka.

6. Administrativna taksa

Podnosioci prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) su dužni platiti administrativnu taksu u ukupnom iznosu od 1.000,00 KM, u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Predsjednik

dr Stjepo Pranjić

